

кесарь, всякого сребролюбиа исполнен стяжания церковная похищение, на
 торжищи явно пред народом убиен бысть и в Тивр-реку яко враг церков-
 ный ввержен бысть. Такожде Домисиан по многих злодействех, своим
 л. 525 подвластником и христианом нанесенных, всем человеком ненавистен бысть,
 поражен бысть божиим судом лета житиа своего 35 яко живота не ||
 достоин. Такожде Мариан, римский кесарь, не бояся христиан вредити
 и их имениа съкровищу своему прилагати, истечением чрева дивьствено
 яко кесарьства недостоин погибе. Такожде Коммод, римский кесарь, враг
 и ненавистник рода христианьскаго и церкви божи, в лето века своего
 33 заклан бысть устроением жены своея. Такожде Марко Евиелий, кесарь
 римский, ни едину память благу остави, церкви божи завидя и стяжа-
 л. 525 об. ниа ея събирая и съкровищу своему прилагая, сего ради || в лето века
 своего 26 и с матерью от воин своих убиен бысть, вкупе живота и кесарь-
 ства лишен, и тело его с велиею срамотою влекомо бысть по стегнам
 града Рима. Такожде Александр, кесарь римский, в Магуньстей събори-
 щем воин своих ради сребролюбиа своего и стяжаний церковных взятых
 погибе.

(ГПБ, Q. 1.214, лл. 487—525 об.).